

欽定熱河志

巡典六

御製詩 壬午

七月八日恭奉皇太后木蘭行圍啟蹕之作

通閏由來秋氣早，孟秋初吉啟龍旂。懸知瞻就迎諸部，最喜康強奉大年。按頓依然息衆力，逐程特廛閱農田。黍稷遭澇稀垂穗，帑濟租蠲違忍延。

出古北口作

秦代長城太古秋，清時來往習秋蒐。刀耕火種率由出，壘敗垣頽那藉修。真是不征譏亦簡，凡關皆有稅，惟古北口自康熙年間即不征稅，至今因之。幸因弗澇穫還稠。度關多稼欣逢慶，一百年前有此不？

恭奉皇太后至避暑山莊即事一律

潦退今秋早半月，大安日日奉同行。去歲阻澇，因先啟蹕。隨路視橋道俱妥，始命誠親王恭奉聖母就道。高年康健真堪慶，祖德恢鴻益廕

情。地自清涼聽午熱，是日微熱。黍方秀實利西成。廣仁嶺度山莊近，恰有排班哈薩迎。時，哈薩克汗阿布賽，遣陪臣蘇爾統、都勒特赫勒等入覲適至山莊，即于嶺前迎接。

避暑山莊啟蹕木蘭行圍之作

白露今年早，中元度起程。野橋取路直，潦水落潭平。晚稼偏宜熱，秋空正快晴。貴山求宿衛，笑許鑿葵誠。哈薩克汗阿布賽遣使請安。為其所遣陪臣鄂莫爾、色楞白特爾二人，懇留備羽林之屬。因命為乾清門侍衛，遷住伊犁。

木蘭迴蹕駐避暑山莊作

圍期今歲促，廿五日云旋。行慶兼施惠，秋清正月圓。天香屋有桂，霜勒浦餘蓮。晚熱蒸為雨，聽之言發泉。

萬樹園賜宴即席得句

叢樾中間甫野長，

甫田叢樾為三十六景之一，又名萬樹園。

清秋佳宴拂廬張。北宛西海胥來賀，祖德宗功正未央。詎曰

銷兵應凱樂，益欽守器慎幾康。訓恭儉亦示慈惠，幣帛均頒實筐箱。

重陽日侍皇太后宴

皓氣澄秋日日加，山莊重九更堪誇。登高全攬川原美，獻壽欣當風物嘉。綺嶺低昂綴紅葉，芳階錯落綻黃花。宮中行樂真行樂，玉塞彤庭總一家。

雪

九月十四日，是日人古北口。

夜報塞天同起雲，凌晨玉葉遂翩紛。無林不作銀花影，有嶂皆成冰綺紋。酒店旗飄近方見，僧房鐘響遠猶聞。入關廿里原秋雨，南北寒暄一嶺分。

二十七年七月戊辰，上奉皇太后啟蹕巡幸塞外，降旨以夏雨過多，加恩蠲免所過地方額賦十分之五。辛未，出古北口。甲戌，至熱河行宮，哈薩克使臣蘇爾統，都勒特赫勒等入覲。丙子，上行圍木蘭，奉皇太后自熱河啟行。丁亥，駐蹕伊綿峪，賜扈從王公大臣，蒙古王公台吉，及哈薩克使臣等宴。八月丁酉，駐蹕張三營，賜扈從王公大臣，蒙古王公台吉，及哈

薩克使臣等，並隨圍兵丁等飯。庚子，迴熱河行宮。壬寅，上奉皇太后於卷阿勝境侍膳，賜扈從王公大臣，蒙古王公台吉，及哈薩克使臣等宴。癸卯，上萬壽聖節，詣皇太后行宮行禮，御澹泊敬誠殿。扈從王公文武大臣官員，及蒙古王公台吉等行慶賀禮。上侍皇太后膳，賜王公大臣，蒙古王公台吉等宴，凡三日。丙午，御萬樹園，賜宴，觀火戲及健銳營兵立馬技。丁未，御延薰山館，賜軍機大臣御前侍衛等飯。戊申，上侍皇太后膳，賜扈從王公大臣，蒙古王公台吉，及哈薩克使臣等茶果，凡四日。甲寅，復賜茶果，凡四日。九月戊辰，重陽節。上奉皇太后於延薰山館侍膳。庚午，上奉皇太后自熱河迴鑾。癸酉，入古北口。丙子，上奉皇太后迴圓明園。

御製詩 癸未

恭奉皇太后啟蹕幸避暑山莊 有序

麥風扇牖，北至正爾迎旬；霉雨收林，南訛于焉叶序。佇園齋之待葺，志奉慈娛；臨塞館以來游，言循祖制。同朝啟駕，率衛士以前驅；按頓徐征，命親藩而扈從。時也青黃稍接，茆簷餅餌香新；暘雨維時，清叻種種穎擢。污萊已滌，觀民而誌輯河渠；輸挽無勞，阜俗則經籌食貨。倉粟散因陳之積，頒逮周廬；窖煤資挹取之供，直平近市。仙莊宜避暑，前郵即迓安輿；秘殿稱延薰，駐蹕疇咨法從。披六曹之政牘，排日封函；掄九品之選人，閱時輪對。幾餘典學，寧孤修晷于長贏；農隙詰戎，更跂高秋於大野。因詹

吉旆，用冠行編。

有事園齋待葺修，山莊先節奉慈游。每歲秋月起駕，茲以修葺園齋，啟程較早月餘。按程徐進高年適，避暑真宜夏清留。稍喜

青黃資食接，更看高下蔚苗稠。長途歷歷觀農況，敢為巡行忽本謀。

降旨免經過州縣賦十分之五，詩以誌事

歷歲來巡例免三，昨年加二為遭滄。正當元氣未復際，仍與優恩普被湛。夏長已佳誠滿望，秋

成待至敢輕談。閭閻已自無征調，近畿歉收州縣應行蠲緩各項，已屢經降旨，格外蠲緩。今歲二月內復命，將勘不成災之處，本年應徵錢糧，聚緩至秋成後，再行酌量帶徵。是二麥收穫時，催租之吏可以掃迹矣。二麥登場

任負擔。

出古北口

浮翠千巒烘曉晴，觀民按轡出長城。天然龍幹分南北，便覺爽風拂面迎。

潮可如帶向南流，敗壘頽垣不事修。設待修茲為守禦，繫桑已是失長謀。

關外從來禾黍佳，夏用飽看蔚苗皆。歉餘況復秋成遠，不敢欣懷祇懼懷。

興州厄魯例來迎，效力馳驅各盡誠。三十年前皆勁敵，念茲惟益凜持盈。

至避暑山莊駐蹕作

山莊避暑祖功深，待葺園齋用早臨。綠嶼青楓新景色，對時育物舊神心。欲憑福地遣煩緒，

自有雲山啟靜吟。明日慈輿便言至，歡迎夏清仰徽音。

出麗正門恭迎皇太后駕至山莊

策驄山市迓金輿，七日翹心一日紓。仙地清涼宜攝養，雲齋松鶴奉興居。山莊內，皇太后所御內殿名松鶴齋。愛看畫影偏遲砌，便有炎風解避疏。食履高年增健旺，樂同天下始從予。

秋日奉皇太后遊山作

遊山秋最宜，延爽謝炎時。千幃安輿導，六宮寶馬隨。佳陰猶翠葉，清馥在紅蕤。行樂真行樂，寰中許共知。

熱河啟蹕幸木蘭作

秋蒐雖例事，啟蹕又從新。桂節纔方過，鸞旗此重去聲陳。鹿音遙接待，馬意近精神。且復覘心願，村村納稼巡。

蒙古王公等進宴即席得句

大野涼秋曠日晶，筵張黃幕傍行營。千群馬集英姿試，九白駝牽吉兆呈。例事詎惟遵典屬，歡言恆是鑒抒誠。漢唐此地寧有此，盆凜冰淵戒滿盈。

賜蒙古王公等宴並頒賞執役者

獵期不欲久，半月適應還。程喜行宮近，筵開駐蹕閒。笙簧恰有秩，幣帛與均頒。詎止循常例，懷柔切此間。

木蘭迴蹕至避暑山莊

仲秋啟蹕返深秋，紫翠林光頓改眸。隔嶂鹿鳴全似喚，上窗駒影信如流。引成渠水聲添冷，

吐得巖嵐幻益浮。到引精微契神處，可能五日不為平留。

人古北口見閭閻秋成有象，詩以誌慰

雄關詎止此提封，壁壘猶看架嶺重。四閱月惟消一瞬，幾章詩耳付千峰。魚鱗膳幸秋成好，馬首路欣暖景逢。洵饒閭閻藉稍濟，敢言元氣復吾農。

二十八年五月甲戌，上奉皇太后啟蹕巡幸塞外。是日，皇太后駐蹕湯泉行宮，上駐蹕石

槽行宮。

因皇太后懿旨，於啟蹕日駐蹕湯泉，後至山莊一日，程頓較緩。上遵奉慈諭，每日或間日，遣侍衛等駐詣皇太后行宮請安。遂為歲例云。

降旨以上年被災之後，仍加恩蠲免所過

地方額賦十分之五。丁丑，出古北口。庚辰，至熱河行宮。辛巳，上詣廣仁嶺，恭迎皇太后駕至熱河行宮。癸未，降旨賞給管守熱河行宮千總太監及兵丁等錢糧有差。八月丙戌，上奉皇太后於卷阿勝境侍膳，賜扈從王公大臣，蒙古王公台吉等茶果，凡七日。甲午，丙申，亦如之。丁酉，上萬壽聖節，詣皇太后行宮行禮，御澹泊敬誠殿，扈從王公文武大臣官員，及蒙古王公台吉等行慶賀禮。上侍皇太后膳，賜王公大臣，蒙古王公台吉等宴，凡三日。辛丑，上行圍木蘭，奉皇太后自熱河啟行。丙午，行圍，殪虎，駐蹕呼魯蘇台。戊申，駐蹕納喇蘇台達巴罕，蒙古王公等恭進御宴。上奉皇太后閱馬戲。己酉，駐蹕都穆達烏拉岱。壬子，行圍，殪虎，駐蹕鄂爾楚克哈達。甲寅，行圍，殪虎，駐蹕扎克丹鄂佛洛。九月丁巳，行圍，殪虎，駐蹕薩爾巴里哈達。辛酉，駐蹕阿穆呼朗圖，賜扈從王公大臣，蒙古王公台吉，並隨圍兵丁等飯。癸亥，重陽節，上詣皇太后行殿侍膳。是日，駐蹕博羅河屯。乙丑，迴熱河行

宮。庚午，上奉皇太后自熱河迴鑾。癸酉，入古北口。丙子，上奉皇太后迴圓明園。

御製詩 甲申

恭奉皇太后啟蹕幸避暑山莊作

爽颺皎日曉秋天，闌(二)上行將試大畋。敬奉慈輿循後頓，向每日奉慈輿，逐程而進，以便間安。自去歲夏月幸山莊，奉皇太后懿旨，欲同日啟程。是日駐湯泉，較近。而後一日至

山莊，與程既緩，而隨從諸人亦均適便。朕欽遵，遂以為例。爰驅清蹕啟前旂。浮橋潦水收新漲，彌野香風拂甫田。歲歲塞巡觀寶穡，

最佳寶穡是今年。

降旨免經過州縣賦十分之三，詩以誌事

北巡經赤縣，例免三弗取。去歲及前年，乃至十之五。誠以遭洊饑，民艱厘心苦。兩熟幸去

歲，去歲麥既收，秋田亦頗稔。元氣復未睹。今夏麥勝昨，大田若暘雨。按轡所經歷，翼翼芄稷黍。登場在指

日，審足資三補。可以按恆例，免三增惠汝。其實賦歲何，寧如遇豐庶。天恩信博濟，人事

終小補。

出古北口作

昨夜微陰詰日晴，千山翠色益晶明。今朝秋末三庚盡，便有涼風馬上迎。

雉堞依然棲絕峰，亡秦寧可恃提封。若無竟海巖巖者，今日誰因笑祖龍。

因山為市操去聲奇贏，列販從來不事征。凡關口例有稅，惟古北獨無。皇祖欲加恩此地民，至今遵以為例。百歲老人歌厚德，街旁一例執香

迎。

高下秋田苗總芘，果然關外勝關中。宜暘邇日心誠慰，因慰翻殷懼滿衷。

至避暑山莊駐蹕成什

每歲秋臨避暑莊，逮云至止暑先藏，去年曾一觀其妙，去歲夏月，即恭奉皇太后駐此。夏清真稱樂以長。預此清

塵成例典，見前作。明當愛日仰康強。幾閒那得饒清靜，不盡吟題正待償。

出麗正門恭迎皇太后駕至山莊

昨宵霏細雨，誠恐礙輿行。半夜全開霽，歡生策馬迎。康強綠大德，遊豫喜西成。自益無疆壽，詎惟必得名。

熱河啟蹕往木蘭作

雨過沙溪潦水收，川原銍艾喜迎眸。興飛捺鉢初排駕，願恆甌窶幸滿篝。守吏分疆遞來接，村民生計自為謀。輕于什一山田賦，莫漫催科事苦求。

八月廿六日蒙古王公等獻宴即席得句

資生四種既繁稠，蒙古以馬駝牛羊四種為資生之具。更喜谷間稼稔收。內扎薩克今亦大半種藝，並招致農民，收田租之利矣。朋酒稱觥遵往歲，霽雲覆

幕讌中秋。千山錦繡高低疊，一水笙簧宛轉流。『綽爾齊』終蒙古彈「火不思」吹筚篥曲，謂之「綽爾齊」觀『灑馬』，

母「詐馬」，俗謂之「騎達驛」。古風偏愛以時修。

迴蹕至避暑山莊作

乘時大獮木蘭迴，三日仙莊擬暫陪。擬于此駐蹕三日，憩裝。彌月看他纔眼瞥，百年例此得心開。樹餘綠葉因

山暖，菊有黃華傍砌栽。靄靄明窗上曦影，箇中依舊引吟裁。

入古北口即事

湖游潮水又迴轅，萬壑群山鎖隘門。塞上秋猶不覺冷，關中曦故喜披溫。行看綠幕連前路，

往歲塞外葉落，入關猶見綠樹。今歲秋暖，塞外樹亦尚凋。

饒積黃墉接野村。剛為吾民慶逢稔，何來穀賤有煩言。

畿輔今歲秋成，為數十年所罕遇。而民間反有傷農之歎。

可見人心太不知足，其何以承天佑耶，為之慨然。

二十九年七月丁卯，上奉皇太后啟蹕，巡幸塞外。是日，皇太后駐蹕湯泉行宮，上駐蹕

石槽行宮。降旨蠲免所過地方額賦十分之三。庚午，出古北口。癸酉，至熱河行宮。甲戌，上

詣廣仁嶺，恭迎皇太后駕至熱河行宮。丁丑，上奉皇太后於卷阿勝境侍膳，賜扈從王公大臣，

蒙古王公台吉等茶果，凡三日。八月辛巳，復賜茶果，凡七日。辛卯，上侍皇太后膳，賜扈

從王公大臣及蒙古王公台吉等宴。壬辰，上萬壽聖節，詣皇太后行宮行禮，御澹泊敬誠殿。

扈從王公文武大臣官員，及蒙古王公台吉等行慶賀禮。上侍皇太后膳，賜王公大臣，蒙古王

公台吉等宴，凡三日。戊戌，上行圍木蘭，奉皇太后自熱河啟行。乙巳，駐蹕永安拜昂阿，

蒙古王公等恭進御宴。上奉皇太后閱馬戲。乙酉，駐蹕永安拜色欽，賜扈從王公大臣，蒙古

王公台吉並隨圍兵丁等飯。九月辛亥，行圍，殪豹，駐蹕庫爾圖察罕。乙卯，行圍，殪豹，

駐蹕伊綿峪。丙辰，行圍，殪虎二，駐蹕扎克丹鄂佛洛。戊午，重陽節，上詣皇太后行殿侍

膳，賜扈從王公大臣，蒙古王公台吉並隨圍兵丁等飯。是日，駐蹕鄂爾楚克哈達。丙寅，駐

蹕張三營，賜扈從王公大臣，蒙古王公台吉並隨圍兵丁等飯。乙巳，迴熱河行宮。癸酉，上奉皇太后自熱河迴鑾。丙子，入古北口。十月丙戌，上奉皇太后迴圓明園。

御製詩 乙酉

恭奉皇太后啟蹕幸避暑山莊作

撰吉秋巡啟析旌，宜人風物叶金行。寒浮曉氣波間漾，朗射初陽樹底明。按例康輿循後頓，清塵快馬肅前程。高低近遠良苗秀，額慶西成卜屢成。

出古北口作

曉色滄涼滿谷寒，高峰纔見日三竿。昨朝午熱知何處，水抱山縈隔幾盤。鎖鑰尋常壯北門，棲巖秦壘至今存。戒嚴守此應遲矣，貽笑那堪更僕論。多稼今秋內外同，未登場敢道綏豐。山村却報迎人象，老幼都看喜氣融。

至避暑山莊作

萬疊螺峰蔚霽光，行秋又復駐山莊。蔽波荷錦猶呈綺，遍野禾雲欲作黃。歷看塞田真有幸，每居巖館勵無荒。今宵數問因何礙，為是明朝迓壽康。

出麗正門恭迎皇太后駕至山莊駐蹕

七朝行殿隔，十里策驄迎。固是起居悉，途間隔日馳使請安，知起居安適。寧紓懸企誠。仙莊開詠蕩，愛日仰光明。寶穡沿途好，知堪豫懿情。

木蘭啟蹕紀事 有序

桂輪香滿，剛澄塞上之華；楓坂紅新，恰繪蘭中之景。迺薰館駐經匝月，當秋而獵騎方爛；緊慶霄黼逮連朝，既望而貉郵宜表。溯昔祖謨敬繼，掖安輿以巡幸為常；迨今慈壽益增，居文囿而頤和斯當。皇妃皇子，留代溫清之忱；塞水塞山，近奉豫遊之樂。移頓鼓，循記里，問安則驛置恆馳；周陞圖，按司虞，數獲則鮮肥可達。顧今歲豐符留熟，篝車紓省斂之懷；矧此行觀侍員渠，橐鞬識從公之義。詰戎習衆，身先弗獲辭勞；養志娛親，體適祇期履泰。雖曰鹿町葦露，兩旬餘之定省偶睽；敬惟鶴逕松風，萬千歲之居寧伊始。爰永言以識事，同吉日之命篇。

秋蒐意寓聖人深，無逸詰戎聯衆心。一己自應勵朝夕，高齡却合豫園林。鹿鳴鶴舞供清玩，水驛山郵報吉音。逾廿往還茲啟蹕，萬斯年例始斯今。

雨中蒙古王公等進宴，詩以誌事

穹幕華筵備已齊，來臨那避雨雲低。大都事欲從人願，於是言寧藉象鞮。侑酒不妨歌一闋，所謂「綽爾多密」者，蒙古備宴必用之。教駢音陶可罷馬千蹄。即「騎連驛」也。是日以雨澤，命罷之。行營歸轡原非遠，烟景諸峰恰入題。

重九日張三營 二 賜蒙古王公等宴賚，即事得句

蒐成依例賚藩翰，每值重陽興倍歡。此地值重九宴賚者，遠茲凡三度矣。執役雖無過廿日，施恩要欲遍千官。輕雲綴字魚鱗碎，積雪依峰玉色寒。獨是今番疏獻節，南山遙望祝釐安。

木蘭迴蹕至避暑山莊請皇太后安，恭諭起居和適，欣成長句書懷

快霽兼欣息夜風，蒐迴問寢祖時同。康熙年間，皇祖奉慈寧駐蹕山莊，自木蘭迴蹕，必親詣問安，茲敬遵其例云。松留舊綠如新綠，楓染深紅及淺

紅。翹企慰哉心切切，康強悉矣喜融融。蒙聖母諭，以自此將歲循康熙年間成例，欽承之下曷勝欣依。於萬斯年願

豈窮。

入古北口

石城埤堦倚雲開，渡去潮河又渡迴。稔歲圍場無隙地，前朝鎖鑰有高臺。今秋收更昨秋勝，出口看周入口來。綏屢同民樂飽暖，何修慶遇益欽哉。

三十年七月辛巳，上奉皇太后啟蹕，巡幸塞外。是日，皇太后駐蹕湯泉行宮，上駐蹕石

槽行宮。壬午，降旨蠲免所過地方額賦十分之三。甲申，出古北口。丁亥，至熱河行宮。戊

子，上詣廣仁嶺，恭迎皇太后駕至熱河行宮。辛丑，上奉皇太后于卷阿勝境侍膳，賜扈從王

公大臣，蒙古王公台吉等茶果，凡三日。八月乙巳，復賜王公大臣，蒙古王公台吉等茶果，

凡七日。癸丑，上奉皇太后于萬樹園侍膳，賜蒙古王公台吉，及都爾伯特親王策凌、烏巴什

等宴。乙卯，上侍皇太后膳，賜扈從王公大臣，蒙古王公台吉，及都爾伯特親王策凌、烏巴

什等宴。丙辰，上萬壽聖節，詣皇太后行宮行禮，御澹泊敬誠殿。扈從王公文武大臣官員，

蒙古王公台吉，及都爾伯特親王策凌、烏巴什等行慶賀禮。上侍皇太后膳，賜王公大臣，蒙

古王公台吉，及都爾伯特親王策凌、烏巴什等宴，凡三日。己未，上啟蹕，行圍木蘭。皇太

后仍駐熱河行宮。以上皇太后聖壽益增，命皇妃、皇子留侍山莊。上啟蹕後，間日遣侍衛等請安進鮮，歲以為例。癸亥，行圍殪熊，駐蹕海拉蘇台。甲子，行

圍殪熊，駐蹕呼魯蘇台。丁卯，駐蹕都穆達烏拉岱，蒙古王公等恭進御宴。九月己卯，行圍

殪虎，駐蹕布爾哈蘇台。壬午，駐蹕張三營，賜蒙古王公台吉並隨圍兵丁等飯。甲申，迴熱

河行宮，恭請皇太后安。己丑，上奉皇太后自熱河迴鑾。壬辰，入古北口。乙未，上奉皇太

后迴圓明園。

校記

〔一〕闌 閣本作「蘭」。

〔二〕張三營 閣本作「張三營行宮」。

巡典七

御製詩 丙戌

恭奉皇太后秋巡啟蹕之作

昨夜微霏雨洗車，朝來霽景暢晶如。天高氣爽臨秋圃，山峙川流奉懿輿。自有三千驅起赴，那須十二駕魚魚。沿途又此屢豐閱，曰慰曰兢並切予。

出古北口

闐闐樓嶂迴嶙峋，望幸黎元迓蹕巡。雖是一年經一度，憐他每度較前親。

北門鎖鑰重去聲提封，組練旌旗列幾重。謾道清時全不用，聽教平聲例事耀軍容。

鬼工猶恐不能兼，人力安施峭壁尖。設使千秋無此蹟，至今誰復笑蒙恬。

身先去聲從來雨不辭，鳴鞭迤邐破烟絲。予心自有愜懷處，正是秋田結穗時。

至避暑山莊即事得句

雲勢侵晨欲放晴，廣仁嶺過朗曦迎。山莊早悅遙看目，衢市先殷衆迓情。

祖澤至今歌樂利，予心惟永戒驕盈。時巡近遠藩王集，不必言威惠以誠。

出麗正門恭迎皇太后

祇覺八朝隔，不知十里遙。秋晨氣真爽，山路潦全消。歡悉清溫適，親承甘旨調。仙莊奉文

母，家法自神堯。

熱河啟蹕木蘭行圍之作

尊養去聲去年例萬年，昨歲啟蹕幸木蘭時，恭奉皇太后仍駐山莊，以適高年頭。養。並留皇妃、皇子代承溫清。奉有慈諭，永為成例。興居晨謁啟行旃。慈雲南望一心戀，

爽氣北迎眾意便。落漲本微涉塞水，今秋，迤北雨短，塞水本微。獲收逾半閱山田。熱河一帶，秋收較往年為遜，然尚有過半之收，圍場亦自櫛比也。遠臣

西北翩聯至，時都爾伯特貝子額爾德尼等，烏梁海內大臣察達克等，並以朝賀至行在，即扈從行圍。示度懷遐詎偶然。

重九日賜蒙古王公等宴賚

罷圍應犒賚，況復值良辰。筵對黃華設，恩頒翠綺均。寧須拘禮數，實可見情親。即命還游

牧，役人不欲頻。

木蘭迴蹕至避暑山莊恭問皇太后安

豈不郵章悉起居，代(二)蒐將及月旋初。屏翰平聲仰望難孤彼，甘旨親嘗更厘予。遊豫仙莊身

益健，趨承松牖志方舒。山莊內，皇太后所居處名松鶴齋。萬年循例今年始，昨歲自木蘭迴蹕，詣皇太后宮問安。遵皇祖奉慈寧駐山莊舊典也。曾蒙聖母諭，以自此將歲循康熙年間成例，

欽承深切欣依。今歲即敬循慈訓之始，自今當永為例事云。信是天倫樂莫如。

入古北口

兩月秋巡此進關，先殷農況閱民間。果然口內勝口外，塞田今年夏秋缺雨，收穫只得中豐。關內則秋成大稔，景象勝于口外云。無幾看過平聲又

看還。風柳面迎陌頭綠，霜楓背指嶺眉殷。祝釐敢不遵慈命，便以紆臨平聲髻山。髻山修葺神廟落成。皇太后欲

親莅拈香申敬。山距密雲一程，因紆道經臨，便途由盤山迴蹕。